



*Josie e ataa te kawai are e kona iira ana banna ni katooto te Tia Kamaiu.*

**Iroun JoLyn Brown**  
(E boboto i aon te karaki ae koaua)

*E riki te karaki aei i Amerika.*

E tekateka Josie ma ai tarina ae Ashlyn iaan te aroka itinanikun ana auti.

"I kantangaia bwa iai te bwai ae kaunga ae ti kona ni karaoia ni karekemwane iai," e taku Josie.

"Tao ti na kona ni karekemwane man karaoan bwaai ibukiia aomata," e taku Ashlyn.

"Tera ngkana ti katea ara kirabu?" E kibirake Josie ma te kukurei. "Kanga n aron aia kirabu maan aika a tekateka ke aia kirabu kamea aika nakonako."

"Ti kona ni karaoi aekakin nako bwaai," e taku Ashlyn. "Aomata a kainnanao te ibuobuoki n taainako. Ao a na bon kaboira."

E eti ae taku Ashlyn. Ni katoa bong e noriia aomata Josie ake a kainnanao te ibuobuoki.

N te tai ae waekoa ao e a manga reke ana iango riki teuana Josie. E namakina te kukurei inanona. E kauringnga taekan ana bwabetito n te ririki ae nako. E berita bwa e na ururinga Iesu ao n irii ana banna ni katooto. E ataa teuana te kawai ae kona ni karaoa naba anne.

"Tera ngkana e reke ara kirabu are e buokiia

aomata n aki kaboooki?" E titiraki Josie. Te namakin n tangira e rikirake ni korakora.

A aure mwaaka matan Ashlyn. E na rangi ni kaunga anne, e taku. Ti kona ni buokiia aomata n te reirei ao te taromaui—n taabo aika a mwaiti."

"Ti kona n aranna bwa Kanakoraoan Bwaai ibukin te Kirabu!" E taku Josie. "Ti na waakina karaoana ningabong n te reirei."

Te bong teuana n te tain te motirawa ae uare-reke, Ashlyn ma Josie a biri nakon tabon te tabo n takakaro.

"Iai temanna ae ko nooria ae ti kona ni buokia?" E tei Ashlyn iaon tabon waena ao e taraa te tabo ni katikeera ae tabukibuki aona.

"Tuai moa." Ekakaea te kaibiti ibukiia mwangkii ao aia tabo n tie Josie. A katikeera ao n tietie ataei. A katebetebei taian booro ao n takakaro ma roobu ni kibakiba. Akea temanna ae kanga e kainnanao buokana. Taraan ae aomata ni kabane a bane n iai raoroa. Imwiina a noora te ataeinnaine ae tiku n tii ngaia ma te roobu ae te bwai ni kibakiba .

Josie e taua bain Ashlyn. "Taraa ikekei!"



Josie ao Ashly a kunei taian roobu ibukin te kibakiba ao a rianna nakon te ataeinnaine.

"Mauri. Ngai Josie."

"Ao Ngai Ashlyn. "Antai aram?"

E taraa ni miimi te ataeinnaine. "Ngai Leslie."

"Ko tangiria ni kan takakaro ma ngaira?" E tabeka ieta te roobu Josie.

E mongare Leslie. "Eng!"

Ashlyn ao Josie a reireina Leslie tabeua kawai aika a boou aron te kibakiba n te roobu. Ngke e tang te beero, a kaboo. E namakina te kukurei inanona Josie. E ataa bwa bon te Tamnei ae Rairoi.

Imwiin anne, ngkana a kuba n noora Leslie Josie ao Ashlyn, a kamauria.

Josie ao Ashlyn a kakaiia aomata aika a na buokaki. N tabetai a taekin bwaai aika a raraoi nakoia aomata ao ni kataia ni kaku-kureia. N taai tabeua a kaoiia ataei bwa a na takakaro mangaiia.

N te bong teuana, e moangare Josie nakon te ataeinimwaane ae mena itinanikun te reirei. "I tangira am kabaraaki ae te dinosaur," e taku.

E wingare te ataeinimwaane ao e baraaki n taraa ana kabaraaki. "Ko rabwa."

Ngke e tekateka Josie, e ataa ae bon tuai n iangoia ae e na karaoa anne ibukin te kirabu! E a bon tibwa tia ni karaoia.

E iangoiia raoroana ni kabane Josie ngke a bon tibwa waakina aia kirabu ngaia ma Ashlyn. E tangiria ni kan buobuokiia aomata Josie. E kan karaoi bwaai aika a tamaroa riki ibukiia aomata. Kanakoraoan Bwaai ibukin te Kirabu e bon kanakoraoa arona. Ao anne e nakoraoi namakinana. ●